



Jolasaren bidez kalean eta parkeetan haurren artean euskararen erabilera sustatzeko ekimena martxan da

Lau asteazkenetan, Iturralde parkean burutuko dira jolas-saioak 16:45etik 18:45era bitartean. 3tik 9 urte arteko haurrei zuzenduta dago

Ikasturte honetako bigarren aldian itzuli da Parketarrak ekimena. Udalak, Hezten elkartearen bitartez, kalean eta batipat parkeetan, haurren artean euskararen erabilera handitzea du helburu. Joan den udazkenean (urrian) bezala, udaberrian errepikatuko dira lau asteazkenetan jarraian euskaraz jolasteko saio gidatuak.

Hezten-eko jolas dinamizatzailen laguntzaz, Iturralde parkean (euria izanez gero Loinazko San Martin plaza azpian) jolas saioak burutuko dira. Honela, apirilak 10, 17, 24 eta maiatzaren 8 izango dira ekimena burutuko diren egunak. Egitasmo honek, adinaren arabera, bi saio

ezberdinetan banatuta egongo da.

Zabu Zibu izenekoa, 16:45etik 17:45era burutuko da eta 3-5 urte bitarteko haurrak dituzten familientzako izango da. Helburua euskaraz jolastu ahal izateko tresnak eskaintzea da, beraz, behar beharrezkoa da haurrak guraso edo helduren batekin etortzea eta jolastea.

Eta bigarrenik, Txirrintxon deiturikoa. 17:45etik 18:45era izango da eta 6-9 urte bitarteko hurrei dago zuzendua.

Euskaraz jolastea helburu

Udalaren helburu eta eskumenen artean dago udalerrian euskararen ezagutza sustatzea eta erabilera dinamizatzea. Esparru honetan herritarren euskalduntzea sustatzen jarraitzeko ekimenak antolatzen jarraitzen du. Hizkuntzaren aldeko konpromiso horren baitan, asteazkenean hasi eta asteen behin, beasaindar txikienen aisialdian euskararen erabileran eta ezagutzan eragiteko jarduera abiaraziko da berriz.

Udal gobernuak legegintzaldiko helburu nagusien artean hizkuntza politikarekin eta euskararen presentzia eta normalizazioarekin lotura zuzena duten egitasmoei segida ematen jarraitzen du. Herriko ikastetxeekin, elkarteekin eta eragileekin elkarlanean, haur eta gaztetxoenen artean euskararen jakintza eta erabileran jarduerak, ekimenak eta zerbitzuak eskaintzea du xede. Hargatik, guztien lankidetzarekin euskararen erabilera handitzea lortu nahi da horretarako deialdi berezia egin nahi da guraso, ikastetxe eta familiei jarduera honetan ere parte hartu dezaten.

```
jQuery("#share57") . jsSocials({shareIn: "popup",shares: [{ share:
"twitter", label: "Tweet", via: "", hashtags: "", text: "Euskaraz
jolastera dator Parketarrak ", url: "https://www.beasain.eus/kultura-
albisteak/5805-euskaraz-jolastera-dator-parketarrak"},{ share:
"facebook", label: "Partekatu", url: "https://www.beasain.eus/kultura-
albisteak/5805-euskaraz-jolastera-dator-parketarrak"},{ share:
"linkedin", label: "Partekatu", url: "https://www.beasain.eus/kultura-
albisteak/5805-euskaraz-jolastera-dator-parketarrak"},{ share:
"whatsapp", label: "WhatsApp", shareIn: "self", text: "Euskaraz
jolastera dator Parketarrak ", url: "https://www.beasain.eus/kultura-
albisteak/5805-euskaraz-jolastera-dator-parketarrak"},{ share:
"email", label: "E-mail", shareIn: "self", text: "Euskaraz jolastera
dator Parketarrak ", url: "https://www.beasain.eus/kultura-
albisteak/5805-euskaraz-jolastera-dator-parketarrak"},{ share:
"telegram", label: "Telegram", shareIn: "self", text: "Euskaraz
jolastera dator Parketarrak ", url: "https://www.beasain.eus/kultura-
albisteak/5805-euskaraz-jolastera-dator-parketarrak"}],});
```